

## Aktuelle Extras

Alle Erzgebirger feiern in diesm Gahr den 150. Geburtstich vu unnern vorehrtn Haamitdichter Anton Günther, dar am 05.06.1876 in Gottesgab - heitzetog haaßt des Bozi Dar – geborn wurn is.

Do gibt's ieberol Voranstaltunge, wu siechs luhnt, emol hiezegieh.

Su find am **18.04.26 im Kulturhaus Aue** ne „**Anton-Günther-Gala**“

mit ne **Arzgebirgsangsamble** un vieln annern Mitwirkndn statt.

Des wird bestimmt wieder ne feine Sach.  
Tel.: 03771 23761



**Musikantenstammtisch**  
mit Musikanten aus der Region  
u. a. mit Andreas Riedel, Markus und Adrian Löschner, Frank Mäder,  
Yves Ullmann, Matthias Fritsch & Christoph Heinze  
13. März 2026, 17.00 Uhr auf dem Auersberg  
Gäste sind herzlich willkommen –  
Plätze bitte telefonisch reservieren unter 037752/699258

Of unnern Auerschborg gibt's natierlich aa wieder e schiens Musikantntraffn!

**Zu den beedn Voranstaltunge muss siech aber jeder salberst aamalden un su de Plätz sichern, des is außerhalb vu unnern Gahrprogramm!**



### FAHRDIENST

Wer am 12.02.26 abgeholt und wieder nach Hause gefahren werden will, der möchte bis 17.00 Uhr anrufen:

**Johannes Wüst Tel.-Nr.: 3807**



Erzgebirgischer Heimatverein  
Eibenstock e.V.  
Karlsbader Straße 2  
08309 Eibenstock

Tel. mobil: 0160 96455443  
Internet:  
[www.heimatverein-eibenstock.de](http://www.heimatverein-eibenstock.de)

Bankverbindung:  
Erzgebirgssparkasse  
IBAN: DE90 8705 4000 3892 2072 58  
BIC: WELADED1STB

# Unner Blatt`l



Nummer  
251

Mitteilungsblatt des  
Erzgebirgischen Heimatvereines  
Eibenstock e.V.

Februar  
2026



*Dor Winter is wieder mol richtig do!*



## Des wär also dor Plan for 2026



15.01.	Jahreshauptversammlung	Imbiss-Stub
12.2.	Faschingsfeier	Imbiss-Stub
5.3.	Spieleobnd	Imbiss-Stub
16.4.	Überraschungsgäst	Imbiss-Stub
7.5.	Bergbauvortrag	Imbiss-Stub
11.6.	4. Eimst. Mund-Art-Traffn	Q-Stall
2.7.	Grill-Obnd mit Musik	Adleralm
6.8.	Kremserfahrt	Meiler Sosa
3.9.	Deko-Kerzen	Schneeberg
26.9.	Senftenberger Seen	Ausfahrt
18.10.	Tag des Handwerks	Schatzhaus
5.11.	Keramikmalerei	Chemnitz
27.- 29.12.	Märchenweihnacht	Bude
10.12.	Weihnachtsfeier	Hotel "Am Bühl"

**!!! Änderungen vorbehalten !!!**  
**Jedn Monat is Blattl orndlich laasn,**  
**do stenne dann de neien Terminle!**

## Wir gratulieren unseren Heimatfreunden

Ursula Baumann am 18.02. zum 72. Geburtstag  
 Frank Weiß am 19.02. zum 65. Geburtstag  
 Barbara Bochmann am 20.02. zum 68. Geburtstag  
 Marina Förster am 25.02. zum 66. Geburtstag



*In jeder Minute,  
 die du mit Ärger verbringst,  
 versäumst du sechzig glückliche Sekunden  
 deines Lebens.*

*- Albert Schweitzer -*

**Unner Voreins-Fosnd**  
*- vielleicht wieder mit nern Märchn?*  
**Donnerstich ne 12.02., 18.00 Uhr**  
**in dor Imbiss-Stub an dor Vodlstroß**



**Spieleobnd**  
**am 5. März 2026, 18.00**  
**in dor ImbissStub**  
**an dor Vodlstroß**

## Rente mit 90 (in Worten: Neinzich)

Mit 90 neine Ruhestand -  
wu liecht dä des Problem?  
De Rollatorn, die fiehrn uns,  
des schaffn mir bequem!

Is Wasser in de Baa, des platscht  
bei jedn unnrer Wege;  
is Harz pocht wie e Bassreflex  
su laut un aa su rege.

Sei de Ohrn aa noch su taab,  
mir sanne des gelassn.  
Wenn mir den Pausn-Gong net hiern,  
wird uns dor Chef schu net glei hassn.

Mir lutschn unner Friesticksbrut,  
- natierlich körnerfrei -  
ze Mittoch gibt's bei uns när Mus  
aus Mährnstampf un Brei.

Is dor Blutdruck noch su hoch  
- mir werns schu ieberlabn.  
Mir wolln doch for unner Land  
is Allerletzte gabn!

Mir leistn tächlich ubeschwart,  
als seis de letzte Schicht,  
un pfeifn dodorbei e Lied  
trotz Zahdorsatz un Gicht.

Un sollts emol nu doch su sei,  
des mir schu eher krepieren;  
su hat des Land sei Ziel dorreicht  
un wird dann triumphieren.

Denn de Moral vu dar Geschicht  
begrefft mor doch im Nu:  
war lange wirkt, dar kneift gewiss  
sei A.....loch zeitich zu.



(nach Norbert von Tiggelen,  
ins arzgebirgsche iebersetzt  
vun Schmidt)

## Wahlvorännorunge 2026




Ims gelei emol vornewag zenamme:  
Is is allis esu gebliebn, wie mirs im  
Januar-Blattl neigeschriebn ham –  
ganz uhne Verännorunge.

Uhne Gegenstimme is halt dann allis  
beschlossn un vorkündt wurn.  
Unner Vürstand is nu in totaler  
Damenhand!

Aber nu dor Reih nooch: Dor  
Schmidt war ganz schie dorkält  
un hat siech in Abstand gehaltn.

Eingtlich wollten mir unnerer Vor-  
einshümne singe, aber aus den  
Lautspracher kam kaa Ton raus. Tja, de  
Technik – die ham mir dann aber wieder  
hiekrich un hat funktschoniert. Do muß  
halt dor Ralph allane Musik eispieln un  
singe. Nu kam unner Lothar dra, dar die  
ganze Wahlordnung durchzern musst.  
Sei Sabin nabna hat genau zugehert, des  
ars aa richtig macht.

Ganz nei is unnerer Daniela als  
1. Vürsitznde un de Schatzhaus-Antina als  
2. un de Kerstin als 1. un dodorzu noch



de Petra als 2. Kassn-  
wart - oder müsst mer  
itze Kassnwärtinne  
sogn? Naa, des nei-  
modsche Zeich machen  
mir net mit – mir wissen  
ja, des des echte un  
beste Dame sei!



De Mannsn ham mir neine dorweiteren Vürstand vorschubn – die kenne nu nār noch aus dor 2. Reih mit nei redn.  
E schiener Blumestrauß wurd aber net nār an de Daniela ieberreicht, naa, aa an de beedn, die aus ihrn Ämtern ausscheidn – in Vürsitzndn Matthias un sein 1. Kasswart Günter wurd gedacht.



Forn Lothar gabs aa noch e Blüml, dar wollt aus Alterschgrindn ausn Vürstand raus. Besonnersch mit viel Beifall wurn die racht lange Amtszeitn vu dāne gewürdicht: Matthias mit ganze 35 Gahr un bein Günter sei aa schu 33 Gahr zamkumme! Des müssn annere erscht emol noochmachn, des is ja fast schu e halbs Labn, wos die for ihrn Haamitvorein im Ehrnamt ganz imesist uhne jechliche Bezahlung geleist ham! Wieviel Harzblut vu den



Beedn in all den Gahrn in unnern Vorein geflossn is, ka mor gar net su richtig noochvollziehe! Glei nooch dor Wend 1990 hat siech dor Erzgebirgsverein West un Ost wieder zamgerauft, de erschte gemeinsame feierliche Vorsammlung is am 12.10.91 in unnern Eimstock durchgeführt wurn. Als Sitz wurd Schneeberg festgeleecht, wu dar Vorein

1878 gegründet wurn is. Un unner Matthias war do vu Grund auf dorbei! Eh de Entlasting vun altn Vürstand kumme konnt, muß ja noch dor Günter sein Kassnbericht mitn Rickblick vun Voreinsgahr 25 mit diversen Zohl zu Aus- un Einnahme haltn un dor Revisionsbericht war dann aa noch Pflicht. Nu konnt endlich de gute Asserei aufgetrogn warn, alle ham siechs schmeckn lessn. Zwischndurch aa wieder eweng Akkordjonmusik mit ne „Hutznmarsch“, „Deutsch un frei“ suwie aa in „Steigermarsch“. Uhne grūße Pause dann gings gelei wetter mit de Vürschläch ze de Hutznobnde un wos mir allis machen wolln im neie Gahr 2026.



De Dani kunnt zen Schluss als erschte Handling noch Gutscheine ieberreign: aamol for unnern langgährichn Fotograf Rainer un aa for de zwee Maad Karin un Sabine, die fleißich zu de rundn Geburtstoge vu unnern Mitgliedern genne. Besten Dank dodorfier!

Su is e schiener Gahrtaufakt ze End gange. Mir wolln nār hoffn, des mor in Friedn un Freindschaft 2026 in unnern EHV genießn kenne!

Des wünscht eich alln mit nern ganz harzlign Glückauf – eier Schmidt